

Kantonalna javna ustanova "Dom za socijalno, zdravstveno zbrinjavanje osoba sa invaliditetom i drugih osoba" Sarajevo, sa sjedištem u ul. Nahorevska br. 195, 7, zastupano po direktoru Durmišević Hazim, (u daljem tekstu: Dom)

i

Kantonalna javna ustanova "Porodično savjetovanište", sa sjedištem u ul. Bihaćka bb, Sarajevo, zastupano po direktoru Osman Šaljo (u daljem tekstu: Savjetovanište)

zaključili su dana 12.01.2023. godine

SPORAZUM O SARADNJI

I OPĆE ODREDBE

Saradnja Savjetovaništa i Doma

Član 1.

Cilj ovog Sporazuma je intenziviranje saradnje u mreži ustanova socijalne zaštite, poboljšanja efikasnosti suradnje Savjetovaništa i Doma, kao i predlog zajedničkih aktivnosti u pravcu unapređenja usluga korisnicima navedenih ustanova u Kantonu Sarajevo.

II SARADNJA UGOVORENIH STRANA

Član 2.

Organiziranje grupnih i/ili individualnih konsultantskih i savjetodavnih sastanaka sa stručnim licima te ustanove, kao i organiziranje grupnih i/ili individualnih i savjetodavnih sastanaka sa korisnicima Doma. Organiziranje grupa/pojedinaca koji bi uzeli učešće u aktivnostima koje realizira Porodično savjetovanište pri čemu se vodi briga o tome da učesnici u aktivnostima budu korisnici koji spadaju u ciljnu grupu potrebnu zrealizaciju tih aktivnosti.

Član 3.

Predstavnici dvije ustanove će formirati zajednički multidisciplinarni tim koji će zajednički definirati postupak rada i međusobne uloge, počev od promocije zajedničkih usluga, rada u timu, opservacije, izrade mišljenja, izvještavanja, do upućivanja korisnika u dalji tretman.

b) Primarna prevencija

Član 4.

Organiziranje zajedničkih preventivnih aktivnosti, serija edukativnih radionica, tematskih predavanja i praktičnih treninga s ciljem jačanja zaštitnih faktora kod korisnika, njihovog osnaživanja (kao i njihovih porodica i njenih članova).

Član 5.

c) Grupe samopodrške

Predstavnici dvije ustanove bi zajednički definirali ciljne grupe i teme, te bi svako iz svog domena rada dao podršku profesionalcima i korisnicima usluga dvije ustanove, kako bi olakšali nošenje sa izazovima i pojavama modernog društva. Na ovaj način bi se udružile snage i unaprijedio kvalitet pruženih usluga.

Član 6

Organiziranje redovitih grupa razumjevanja i uzajamne samopodrške namijenjene korisnicima Doma kao i profesionalcima (stručnim licima) a po ukazanoj potrebi i dogovoru i drugim uposlenicima ustanove.

d) Savjetodavni rad sa porodicama

Član 7.

Organiziranje savjetodavnih i terapijskih sastanaka za korisnike u Domu, kao i organiziranje savjetodavnih i terapijskih sastanaka sa profesionalcima (stručnim licima) i drugim uposlenicima ustanove, koji će se prema ukazanoj potrebi i dogovoru između predstavnika dvije ustanove organizirati na mjesečnoj /polumjesečnoj i/ili kvartalnoj razini.

Član 8.

Stručni saradnici dvije ustanove će nakon inicijalnog/trijažnog sastanka sa pojedincem /grupom pristupiti izraditi plana rada te definiranja: tema, oblasti, znanja i vještine koje je potrebno obraditi tokom realizacije planiranih aktivnosti i tretmana.

Član 9.

Ovaj način rada i pristupa korisnicima će biti pokazatelj sigurnog okruženja te da je to prostor u kojem će se kreirati mjesto gdje se osobe koje prolaze kroz slična životna iskustva, mogu

susresti i dijeliti jedni s drugima ono što prolaze – svoje misli, osjećaje, dileme. Grupe samopodrške bi se organizirale dva puta mjesečno u trajanju od 90 minuta.

Član 10.

Predstavnici dvije ustanove bi po potrebi radili samostalno ili u paru, gdje bi u slučaju rada u paru predstavnik Doma imao ulogu facilitatora koji se brine o organizaciono tehničkom okviru održavanja grupe, tehničkoj pripremi, te praćenju da tokom susreta svi članovi grupe imaju prostor i vrijeme da izraze svoje stavove i mišljenja unutar predviđenog vremenskog okvira.

III PRELAZNE I ZAVRŠNE ODREDBE

Član 11.

Strane potpisnice Protokola su saglasne da će sva eventualna sporna pitanja u vezi sa tumačenjem ili realizacijom Protokola rješavati putem međusobnih konsultacija i dogovora.

Član 12.

Ovaj Protokol stupa na snagu danom obostranog potpisivanja i zaključuje se na period od dvije (2) godine.

Svaka od strana potpisnica ovog Protokola može isti jednostrano raskinuti, uz prethodnu obavijest u pisanoj formi i uredno izvršenje svih započetih a nedovršenih aktivnosti za koje je postojala obaveza izvršenja.


Član 13.

Protokol je sačinjen u četiri primjerka od kojih svaka strana potpisnica zadržava po dva primjerka.

KJU "Dom za socijalno, zdravstveno zbrinjavanje
osoba sa invaliditetom i drugih osoba"


direktor

Hazim Durmišević



KJU "Porodično savjetovanište"
direktor

Iman Šaljo



Broj: 30-54/23

Sarajevo 12.01.2023.g.

Broj:01-31-7-33/23

Sarajevo, 12.01.2023. godine